



Samstarfssamningur

Landspítala

og

Hjúkrunarheimilisins Eirar

um

sérnám í öldrunarlækningum



Samstarfssamningur á milli Landspítala og Eirar

um sérnám í öldrunarlækningum

1. Grein: Samstarfsaðilar

1.1 **Samstarfsaðilar:** Samstarfssamningur þessi varðar formlegt samstarf eftirfarandi aðila og lýsir umgjörð og framkvæmd samstarfs stofnana í sérnámi í öldrunarlækningum.

- a) Landspítali, Skaftahlíð 24, 105 Reykjavík, Ísland (Landspítali)
- b) Hjúkrunarheimilið Eir, Hlíðarhúsum 7, 112. Reykjavík (Eir)

2. Grein: Bakgrunnur og grundvöllur sérnáms og samstarfssamnings

2.1 **Bakgrunnur:** Á undanförunum árum hefur mikil þróun átt sér stað í uppbyggingu sérnáms lækna á Íslandi. Lögð hefur verið áhersla á þróun sérnáms í öllum stærstu greinum lækninga í samræmi við viðurkennda alþjóðlega staðla. Samstarf þetta sem þessi samningur kveður á um er liður í frekari uppbyggingu sérnáms í öldrunarlækningum. Samið er hér um samstarf til fjögurra ára. Með undirritun samnings nú eru ábyrgð og skyldur beggja aðila samþykktar eins og þær koma fram í samstarfssamningi þessum og viðaukum hans.

2.2 **Grundvöllur:** Sérnám í öllum greinum læknisfræði skal fara fram samkvæmt gildandi reglugerð um menntun, réttindi og skyldur lækna og skilyrði til að hljóta almennt lækningaleyfi og sérfræðileyfi ([Reglugerð 856/2023](#) um menntun, réttindi og skyldur lækna og skilyrði til að hljóta lækningaleyfi og sérfræðileyfi). Sérnám fer fram samkvæmt marklýsingu hvernar einstakrar greinar og á þeim deildum Landspítala og Eirar sem samþykktar hafa verið af mats- og hæfisnefnd, sem starfar á forræði heilbrigðisráðuneytis samkvæmt ofangreindri reglugerð. Stofnanir skuldbinda sig til samhæfingar varðandi gæði náms og framkvæmd þess.

3. Grein: Umsjón og framkvæmd

3.1 Yfirumsjón með allri umsýslu og framkvæmd þessa samnings á Landspítala er í höndum yfirlæknis sérnáms á Landspítala. Yfirumsjón með allri umsýslu á Eir og framkvæmd þessa samnings er á höndum framkvæmdastjóra lækninga á Eir. Kennslustjórar bera ábyrgð á framkvæmd sérnáms í samvinnu við forstöðumenn eininga beggja stofnana í samræmi við gildandi starfslýsingu kennslustjóra sérnáms í læknisfræði (viðauki 1). Tryggt skal að á hvorum stað starfi í það minnsta einn

meðlimur kennsluráðs hverrar þeirrar greinar þar sem sérnám fer fram á báðum stöðum.

- 3.2 Samningur þessi lýsir umgjörð og framkvæmd samstarfs stofnana í sérnámi í öldrunarlækningum.
- 3.3 Mælt er til þess að sérnámslæknum bjóðist að jafnaði að starfa í 2 - 4 mánuði á Eir í samræmi við samþykktir mats- og hæfisnefndar.
- 3.4 Þess skal gætt að framkvæmd taki til allra þátta sérnáms í öldrunarlækningum og marklýsingar hennar á öllum námsstöðum. Hér er átt við skipulag handleiðslukerfis, matskerfis, notkun skráningarkerfis, kennsluprógramms og mats á framgangi.

4. Grein: Ráðningarferli, ráðningasamningur og kjör sérnámslækna

- 4.1 **Ráðningaferli og ráðningasamningur:** Lausar stöður sérnámslækna eru auglýstar tvisvar á ári á vegum Landspítala. Að undangengnu stöðluðu ráðningarferli í samræmi við handbók um mannauðsmál og sérnám lækna á Landspítala (viðauki 3) er gerður tímabundinn ráðningasamningur við Landspítala. Þegar sérnámslæknir hefur störf á Eir fer hann í launalaust leyfi frá Landspítala og gerður er tímabundinn ráðningasamningur við Eir.
- 4.2 Leitast skal við að skipulag og tímasetning námsstaða skuli liggja fyrir ekki síðar en þremur mánuðum fyrir upphaf starfa á ári hverju.
- 4.3 **Kjör sérnámslækna:** Sérnámslæknir þiggur laun og önnur réttindi samkvæmt gildandi kjarasamningi Læknafélags Íslands og fjármála- og efnahagsráðherra f.h. ríkissjóðs. Almenn ákvæði kjarasamninga og laga um réttindi og skyldur starfsmanna ríkisins gilda á meðan á ráðningasambandi við sérnámslækni stendur. Landspítali greiðir öll laun og kostnað fyrir þann tíma sem sérnámslæknir starfar þar og Eir allan kostnað fyrir þann tíma sem sérnámslæknar starfa þar. Hvor vinnustaður greiðir ferðakostnað og námskeiðsgjöld vegna námsferða samkvæmt 8. kafla kjarasamnings en fjarvistir því samfara eru leystar innan þeirrar vinnustaðar sem sérnámslæknir starfar á þegar ferðin er farin. Leitast skal við að gæta jafnræðis við veitingu slíkra leyfa miðað við lengd námsdvalar á hvorum stað, þannig að ekki halli á annan vinnustaðinn í heildina.
Áunnin frí eru gerð upp á þeim vinnustað þar sem til þeirra stofnast. Þegar sérnámslæknir sem ráðinn hefur verið í sérnámsstöðu á forræði Landspítala hefur störf á Eir fer hann í launalaust leyfi frá Landspítala en heldur áunnum réttindum þar.

5. Grein: Ábyrgð og skyldur samstarfsaðila

5.1 Við undirritun samstarfssamnings þessa skuldbinda samstarfsaðilar sig til að:

- 5.1.1 Greiða laun og annan launatengdan kostnað sem tekur til þess tíma sem sérnámlæknir er í vinnu á viðkomandi vinnustað
- 5.1.2 Tryggja í sameiningu að hver og einn sérnámslæknir hafi nafngreindan sérnámshandleiðara
- 5.1.3 Hver og einn sérnámslæknir hafi nafngreindan klínískan handleiðara fyrir hverja starfsstöð
- 5.1.4 Tryggja að allir klínískir handleiðarar og sérnámshandleiðarar hafi lokið viðeigandi handleiðsluþjálfun
- 5.1.5 Tryggja að sérnámslæknar hafi viðeigandi tækifæri til að uppfylla hæfnikröfur marklýsingar fyrir þann tíma sem sérnámslæknir starfar á viðkomandi vinnustað og í samvinnu fyrir sérnám í heild
- 5.1.6 Tryggja að sérnámslæknar hafi viðeigandi aðgang að ráðgjafar- og stuðningsteymi og heilsuvernd eins og við á ef upp koma vandamál
- 5.1.7 Tryggja að sérnámlæknar hafi tækifæri til að taka þátt í þeirri kennslu sem skipulögð er innan hvernar greinar, eins og krafa er gerð um í marklýsingu og framgangskröfum. Ávallt skal nýta fjarfundabúnað ef því verður við komið.
- 5.1.8 Tryggja að viðeigandi fjarfundarbúnaður sé fyrir hendi, til samnýtingar kennslu-og námstækifæra
- 5.1.9 Taka þátt í gæðaúttektum á sérnámi í samræmi við reglugerð 856/2023 um sérnám lækna
- 5.1.10 Tryggja aðgengi að búnaði til notkunar viðeigandi skráningarkerfi sérnáms (ePortfolio eða á pappírsformi)
- 5.1.11 Taka viðeigandi þátt í öðrum kostnaði sem fylgir sérnámi lækna á viðkomandi sviði, svo sem hlutfallslega þátttöku í kostnaði við alþjóðlegt samstarf. Þetta skal gert samkvæmt samkomulagi kennslutjóra greina og ábyrgðaraðila sérnáms á Landspítala og Eir. Kostnaður skal gerður upp í lok hvers námsárs (fyrir 31. ágúst ár hvert)

6. Grein: Uppsagnarákvæði

6.1 Ef vanefndir verða á samstarfssamningi þessum og/eða ágreiningur verður um efndir samningsins, skulu aðilar leitast við að jafna ágreininginn og ná fram sáttum, ella er hvorum aðila heimilt að rifta samstarfssamningi þessum með tólf mánaða fyrirvara.

7. Grein: Gildistími og endurskoðun

7.1 Samkomulag þetta gildir frá og með 1. september 2025 og til með 30. ágúst 2029 og skal þá endurskoðast.

F.h. Landspítala



Tómas Þór Ágústsson

framkvæmdastjóri lækninga

F.h. Hjúkrunarheimilisins Eirar



Ólafur Helgi Samúelsson

framkvæmdastjóri lækninga